

თელავის მუნიციპალიტეტის საკრებულოს  
ეკონომიკისა და ქონების მართვის საკითხთა კომისიის სხდომის

ოქმი N 4

2023 წლის 18 მაისი

ქ. თელავი

თავმჯდომარეობდა: კომისიის თავმჯდომარე თინათინ ხანჯალიაშვილი  
სხდომას ესწრებოდნენ კომისიის წევრები: ლევან ბერძენაშვილი, დავით ღალანიძე, მიხეილ  
დალუნდარიძე, ალექსანდრე შათირიშვილი, ალექსი მულიაშვილი, აბრაამ მახარიაშვილი,  
ზვიად ხანჯალიაშვილი, გელა ესიტაშვილი.

სხდომას აგრეთვე ესწრებოდნენ: თელავის მუნიციპალიტეტის მერიის ეკონომიკური  
განვითარებისა და ქონების მართვის სამსახურის უფროსი ზურაბ  
სახიაშვილი, თელავის მუნიციპალიტეტის მერიის საგარეო  
ურთიერთობებისა და საერთაშორისო პროექტების განყოფილების  
უფროსი ვალერი გრემელაშვილი, თელავის მუნიციპალიტეტის  
საკრებულოს ეკონომიკისა და ქონების მართვის საკითხთა კომისიაში  
მოწვეული სპეციალისტი ზურაბ ენუქიძე, თელავის მუნიციპალიტეტის  
საკრებულოს აპარატის საორგანიზაციო განყოფილების უმცროსი  
სპეციალისტი ნინო ასანაშვილი.

დღის წესრიგი

1. თელავის მუნიციპალიტეტის საკუთრებაში არსებული მოძრავი ქონების  
(ავტოსატრანსპორტო საშუალება) საპრივატიზაციო ნუსხაში შეტანისა და პრივატიზების  
გეგმის დამტკიცების შესახებ  
მომხს.თ. ხანჯალიაშვილი
2. მდგრადი განვითარების მიზნების თელავის მუნიციპალური დოკუმენტის  
დამტკიცების შესახებ  
მომხს.თ. ხანჯალიაშვილი
3. „ეკონომიკური და სოციალური ცხოვრების კატალიზატორი (CESL)“ პროგრამის  
ფარგლებში გერმანიის საერთაშორისო თანამშრომლობის საზოგადოების (GIZ) მიერ  
გამოცხადებულ საპროექტო იდეების კონკურსზე განსახილველად წარდგენილი,

თელავის მუნიციპალიტეტში განსახორციელებელი ინფრასტრუქტული  
პროექტების მოწონების შესახებ

მომხს.თ. ხანჯალიაშვილი

4. თელავის მუნიციპალიტეტის საკრებულოს ეკონომიკისა და ქონების მართვის  
საკითხთა კომისიის 2023 წლის სამოქმედო გეგმა

მომხს.თ. ხანჯალიაშვილი

მოისმინეს 1. თელავის მუნიციპალიტეტის საკუთრებაში არსებული მოძრავი ქონების  
(ავტოსატრანსპორტო საშუალება) საპრივატიზაციო ნუსხაში შეტანისა და  
პრივატიზების გეგმის დამტკიცების შესახებ

აზრი გამოთქვეს: თინათინ ხანჯალიაშვილმა აღნიშნა, რომ მოძრავი ქონება შეფასებულია  
აუდიტის მიერ და ასევე წარმოდგენილია ფოტომასალა.

ალექსანდრე შათირიშვილმა გამოთქვა მოსაზრება პროექტის  
საკრებულოს ბიუროს სხდომაზე განხილვის თაობაზე.

ალექსანდრე შათირიშვილის მოსაზრებას მხარი დაუჭირეს კომისიის  
დანარჩენმა წევრებმა.

გადაწყვიტეს: პროექტი თელავის მუნიციპალიტეტის საკუთრებაში არსებული მოძრავი  
ქონების (ავტოსატრანსპორტო საშუალება) საპრივატიზაციო ნუსხაში  
შეტანისა და პრივატიზების გეგმის დამტკიცების შესახებ განხილული  
იქნას საკრებულოს ბიუროს სხდომაზე.

მოისმინეს 2. მდგრადი განვითარების მიზნების თელავის მუნიციპალური დოკუმენტის  
დამტკიცების შესახებ

აზრი გამოთქვეს: თინათინ ხანჯალიაშვილმა აღნიშნა, რომ ძალზედ მნიშვნელოვანია  
წარმოდგენილი პროექტი, რამდენადაც მუნიციპალურ დოკუმენტში  
ასახულია მდგრადი განვითარების პრიორიტეტული მიზნები და  
ამოცანები, რომლისთვისაც განსაზღვრულია 43 ინდიკატორის საბაზისო  
და სამიზნე მაჩვენებელით, თუმცა გაგვაჩნია მოსაზრება, რომ  
ინდიკატორების ნაწილში არის ჩასამატებელი წინადადებები, კერძოდ:  
მიზანი 1-ის ინდიკატორი 1.5.1.1. „მუნიციპალური სერვისის შესახებ“  
თავშესაფრის გარეშე დარჩენილ პირთა საცხოვრისით უზრუნველყოფა,  
მიზანი 3-ის ინდიკატორი 3.6.1.1. უსაფრთხო გადაადგილების  
ინდიკატორის საბაზისო მაჩვენებელად 50% განსზღვრა არ არის  
მართებული,

მიზანი 5-ის ამოცანა 5.5. ამოცანის წარმატებას ვერ გაზომვას მხოლოდ ერთი ინდიკატორი და საჭიროა დაემატოს ინდიკატორი, როგორიცაა: ქალების წილი გადაწყვეტილების მიმღებ პოლიტიკურ თანამდებობებზე, მიზანი 8-ის ინდიკატორი 8.9.1.2. ტურიზმის განვითარების ინდიკატორი განისაზღვროს მუნიციპალიტეტში პროგრამების რაოდენობით.

ლევან ბერძენაშვილმა დააყენა წინადადება, რომ გასათვალისწინებელია ჩასამატებელი წინადადებები და ისინი ასახული უნდა იქნას კომისიის დასკვნაში მდგრადი განვითარების მიზნების თელავის მუნიციპალური დოკუმენტის შესახებ და ასეთი რედაქციით იქნას განხილული საკრებულოს ბიუროს სხდომაზე.

ლევან ბერძენაშვილის წინადადებას მხარი დაუჭირეს კომისიის დანარჩენმა წევრებმა.

**გადაწყვიტეს:** პროექტი მდგრადი განვითარების მიზნების თელავის მუნიციპალური დოკუმენტის დამტკიცების შესახებ, განხილული იქნას საკრებულოს ბიუროს სხდომაზე კომისიის დასკვნაში წარმოდგენილი წინადადებების გათვალისწინებით, კომისიის დასკვნა გადაეგზავნოს მერიას.

მოისმინეს 3. „ეკონომიკური და სოციალური ცხოვრების კატალიზატორი (CESL)“ პროგრამის ფარგლებში გერმანიის საერთაშორისო თანამშრომლობის საზოგადოების (GIZ) მიერ გამოცხადებულ საპროექტო იდეების კონკურსზე განსახილველად წარდგენილი, თელავის მუნიციპალიტეტში განსახორციელებელი ინფრასტრუქტურული პროექტების მოწონების შესახებ

**აზრი გამოთქვეს:** თინათინ ხანჯალიაშვილმა აღნიშნა, რომ გერმანიის საერთაშორისო თანამშრომლობის საზოგადოების (GIZ) მიერ გამოცხადებულ საპროექტო იდეების კონკურსზე განსახილველად წარდგენილი და მოწონებული იქნა ინფრასტრუქტურული პროექტები, ერთის მიზანია ურბანული ტერიტორიების განვითარების და ითვალისწინებს ქალაქ თელავში საზოგადოებრივ ტრანსპორტის გაჩერებაზე მოდერნიზებული და ენერგოეფექტური მოსაცდელების მოწყობას, ხოლო მეორის მიზანია ტურიზმის განვითარების ხელშეწყობა და ითვალისწინებს ცივის მთის კალთებზე ტურისტული საფეხმავლო და ველობილიკების მოწყობას.

ვალერი გრემელაშვილმა განმარტა, რომ საკონკურსო წინადადებებს დააფინანსებს (GIZ), პროექტების განხორციელება კომფორტულს გახდის მუნიციპალური ტრანსპორტით სარგებლობას, ხოლო

ველოტურიზმის პროექტი განპირობებული იქნა ტურისტებისა და ვიზიტორების აზრის შესწავლის გათვალისწინებით.

ალექსი ძულიაშვილმა დააყენა წინადადება, რომ კარგი იქნება თუ მომავალში გავითვალისწინებთ ქალაქში არსებული ველობილიკების გაზრდას მუნიციპალიტეტის სოფლების მიმართულებით.

მიხეილ დაღუნდარიძემ გამოთქვა მოსაზრება პროექტის საკრებულოს სხდომაზე განხილვის თაობაზე.

მიხეილ დაღუნდარიძის მოსაზრებას მხარი დაუჭირეს კომისიის დანარჩენმა წევრებმა.

**გადაწყვიტეს:** პროექტი ეკონომიკური და სოციალური ცხოვრების კატალიზატორი (CESL)“ პროგრამის ფარგლებში გერმანიის საერთაშორისო თანამშრომლობის საზოგადოების (GIZ) მიერ გამოცხადებულ საპროექტო იდეების კონკურსზე განსახილველად წარდგენილი, თელავის მუნიციპალიტეტში განსახორციელებელი ინფრასტრუქტურული პროექტების მოწონების შესახებ განხილული იქნას საკრებულოს ბიუროს სხდომაზე.

მოისმინეს 4. თელავის მუნიციპალიტეტის საკრებულოს ეკონომიკისა და ქონების მართვის საკითხთა კომისიის 2023 წლის სამოქმედო გეგმა

**აზრი გამოთქვეს:** თინათინ ხანჯალიაშვილმა აღნიშნა, რომ წარმოდგენილი სამოქმედო გეგმაში ასახულია გავლილი და წლის ბოლომდე განსახორციელებელი აქტივობები.

ალექსანდრე შათირიშვილმა დააყენა წინადადება სამოქმედო გეგმის საკრებულოს ბიუროს სხდომაზე განხილვის თაობაზე.

ალექსანდრე შათირიშვილის წინადადებას მხარი დაუჭირეს კომისიის დანარჩენმა წევრებმა.

**გადაწყვიტეს:** თელავის მუნიციპალიტეტის საკრებულოს ეკონომიკისა და ქონების მართვის საკითხთა კომისიის 2023 წლის სამოქმედო გეგმა განხილული იქნას საკრებულოს ბიუროს სხდომაზე.

კომისიის თავმჯდომარე

თინათინ ხანჯალიაშვილი  
ო. ხ.ხ

# თელავის მუნიციპალიტეტის საკრებულო

ეკონომიკისა და ქონების მართვის

საკითხთა კომისია

2200, ქ.თელავი, ერევლე II გამზ. N16 ტელ: (995350)27-39-00

N 1

18 მაისი, 2023წ.

დასკვნა

მდგრადი განვითარების მიზნების თელავის მუნიციპალური დოკუმენტის შესახებ

2023 წლის 18 მაისს ჩატარდა ეკონომიკის და ქონების მართვის საკითხთა კომისიის მორიგი სხდომა, სადაც სხვა საკითხებთან ერთად განსახილველად გამოტანილ იქნა განკარგულების პროექტი „მდგრადი განვითარების მიზნების თელავის მუნიციპალური დოკუმენტის დამტკიცების შესახებ“ შესაბამისი დანართებით.

აღნიშნული დოკუმენტის მიხედვით თელავის მუნიციპალიტეტს პრიორიტეტულია მდგრადი განვითარების 11 მიზანი და 31 ამოცანა, რომლისთვისაც განსაზღვრულია 43 ინდიკატორის საბაზისო და სამიზნე მაჩვენებელი. საკითხის განხილვის შედეგად, კომისიამ მიიჩნია, რომ „დანართი 2 – SDG თელავი“ ინდიკატორების ნაწილში გეგმის აღსრულების პროცესში უნდა ჩაემატოს შემდეგი შინაარსის წინადადებები:

მიზანი 1-ის ინდიკატორი 1.5.1.1.-ის ფორმულირებაში აუცილებლად უნდა გაჩნდეს ჩანაწერი „მუნიციპალური საცხოვრისის“ შესახებ, რომელიც თავშესაფრის გარეშე დარჩენილი ღატაკი მოსახლეობის პრობლემის მოგვარების თანამედროვე, აპრობირებული და მგრადი ფორმაა და რომლის პრეცენდენტი არსებობს ზუგდიდის და გორის მუნიციპალიტეტებში. თავშესაფრის გარეშე დარჩენილ პირთა საცხოვრისით (დროებითი და საჭიროების შემთხვევაში, მუდმივი) უზრუნველყოფა ადგილობრივი თვითმმართველობის პირდაპირი უფლებამოსილებიდან ერთ-ერთია.

მიზანი 3- ის ინდიკატორი 3.6.1.1. - უსაფრთხო გადაადგილება განმარტებული უნდა იყოს - აქ მხოლოდ მოწესრიგებული ასფალტის საფარი იგულისხმება თუ ასევე ქვეითთა უსაფრთხოების ნორმების უზრუნველყოფაც, რადგან თუ აქ ფეხითმოსიარულეთა უსაფრთხოებასაც მოვიზარებთ, მუნიციპალიტეტში ფეხითმოსიარულეთა სავალი ნაწილის (ე.წ. ტროტუარების) სავალალო მდგომარეობის გათვალისწინებით, ინდიკატორის საბაზისო მაჩვენებლად 50% განსაზღვრა არ მიგვაჩნია მართებულად.

- ქალების წილი გადაწყვეტილების შიძლებ პოლიტიკურ თახაძეებობებზე

მიზანი 8-ის ინდიკატორი 8.9.1.2. საჭიროებს ცვლილებას, კერძოდ ამ ეტაპზე მუნიციპალიტეტს არ გააჩნია ტურიზმის განვითარების არც ერთი პროგრამა, შესაბამისად ინდიკატორი და მისი საბაზისო მაჩვენებელი არ შეიძლება გაიზომოს დახარჯული თანხის ოდენობით, არამედ, ინდიკატორი უნდა იყოს ტურიზმის განვითარების პროგრამების რაოდენობა მუნიციპალიტეტში.

პატივისცემით,  
კომისიის თავმჯდომარე

ო. ხვ

თინათინ ხანჯალიაშვილი